

諸子集成

補編二

四川人民出版社

● 四川大學古籍整理研究所
中華諸子寶藏編纂委員會 編

中華諸子
寶藏初輯

諸子集成補編二

四川人民出版社
一九九七年·成都

(川)新登字 001 號

責任編輯:張問漁

封面設計:何 華

中華諸子寶藏

諸子集成補編(共 10 冊)

四川大學古籍整理研究所

編

中華諸子寶藏編纂委員會

四川人民出版社出版發行(成都鹽道街 3 號)

新華書店經銷

成都印刷一廠印刷

開本 787×1092mm 1/32 印張 25.125 字數 490 千

1997 年 6 月第 1 版 1997 年 6 月第 1 次印刷


ISBN7-220-03661-2/B·137 印數:1-2000

定價: 660 元(精裝本)

1900 元(豪華本)



ISBN 7-220-03661-2



9 787220 036613 >

諸子集成補編(二)目錄

說苑二十卷	(漢)劉向撰	2	3
桓子新論一卷	(漢)桓譚撰 (清)嚴可均輯	2	223
白虎通疏證十二卷	(漢)班固撰 (清)陳立疏證	2	241
女誠一卷	(漢)班昭撰	2	441
中論二卷	(漢)徐幹撰	2	447
昌言二卷	(漢)仲長統撰	2	495
忠經一卷	(舊題漢)馬融撰 (漢)鄭玄注	2	507
典論一卷	(三國)曹丕撰	2	519
傅子三卷	(晉)傅玄撰 (清)錢熙祚輯	2	531
政論一卷 正書一卷	(晉)袁準撰	2	569
中說十卷	(隋)王通撰 (宋)阮逸注	2	583

二、道家類

道德真經指歸六卷

(漢)嚴遵撰

2 | 633

鬻子一卷

(周)鬻熊撰

2 | 717

通玄真經(文子)十二卷

(舊題周)辛鉞撰

2 | 721

說

苑

（漢）劉向撰

四部叢刊景明抄本

說苑提要

《說苑》二十卷，漢劉向撰。劉向在校閱圖書的過程中，著成《新序》一書，又搜集歷史故事，除去與《新序》重複者，以類相從，一一條別篇目，更造新事十萬言以上，號曰《說苑》。據劉向《說苑叙錄》稱，共二十篇，七百八十四章。該書北宋時已經殘缺，經過曾鞏補綴校正，又從高麗得《反質》篇，補足二十篇，共六百三十九章。清代學者盧文弨《群書拾補》又輯得佚文二十四章，總計現存六百六十三章，視向叙所說尚少一百二十二章。二十篇分為二十類，每一類下排列故事，主要講國家興亡、成敗得失的道理，以寓勸戒，議論以儒家為指歸。古籍散佚，多賴此以存。其表現手法具有小說之雛形，對後世小說和民間故事產生一定影響。該書版本衆多，主要有劉氏二書本、漢魏叢書本、廣漢魏叢書本、四庫全書本、龍溪精舍叢書本、四部叢刊影印明抄本。

說苑序

南豐曾鞏

劉向所序說苑二十篇崇文總目云今存者五篇餘皆亡臣從士大夫間得之者十有五篇與舊為二十五篇正其脫謬疑者闕之而叙其目曰向采傳記百家所載行事之迹以為此書奏之欲以為法戒然其所取或有不當於理故不得而不論也夫學者之於道非知其大

說苑序

略之難也知其精微之際固難矣孔子之徒三千其顯者七十二人皆高世之材也然獨稱顏氏之子其殆庶幾乎及回死又以為無好學者而回亦稱夫子曰仰之彌高鑽之彌堅子貢又以謂夫子之言性與天道不可得而聞也則其精微之際固難知久矣是以取舍不能無失於其間也故曰學然後知不足豈虛言哉向之學博矣其著書及建言尤

欲有為於世忘其枉己而為之者有矣何其徇物者多而自為者少也蓋古之聖賢非不欲有為也然而曰求之有道得之有命故孔子所至之邦必聞其政而子貢以謂非夫子之求之也豈不求之有道哉子曰道之將行也歟命也道之將廢也歟命也豈不得之有命哉今向知出此安於行止以彼其志能擇其所學以盡乎精微則其所至未可量也是以夫子稱古之學者為己孟子稱君子欲其自得之自得之則取諸左右逢其原豈汲汲於外哉向之得失如此亦學者之戒也故見之叙論令讀其書者知考而擇之也然向數困於讒而不改其操與夫患失者異矣可謂有志者也

目錄

說苑序

卷第一 君道 卷第二 臣術
卷第三 建本 卷第四 立節

卷第五 貴德 卷第六 復恩

卷第七 政理 卷第八 尊賢

卷第九 正諫 卷第十 敬慎

卷十一 善說 卷十二 奉使

卷十三 推謀 卷十四 至公

卷十五 指武 卷十六 叢談

卷十七 雜言 卷十八 辨物

卷十九 修文 卷二十 反質

護左都水使者光祿大夫臣向言所校

說苑序

五

中書說苑雜事及臣向書民間書誣校
雖其事類衆多章句相潤或上下謬亂
難分別次序除去與新序復重者其餘
者淺薄不中義理別集以為百家後令
以類相從一一條別篇目更以造新事
十萬言以上凡二十篇七百八十四章
號曰新苑皆可觀臣向昧死

說苑卷第一

君道

晉平公問於師曠曰人君之道如何對
曰人君之道清淨無為務在博愛趨在
任賢廣開耳目以察萬方不固溺於流
俗不拘繫於左右廓然遠見蹕然獨立
屢省考績以臨臣下此人君之標也平
公曰善

說苑卷一

一

對曰人君之事無為而能容下夫事寡
易從法省易因故民不以政獲罪也大
道容衆大德容下聖人寡為而天下理
矣書曰睿作聖詩人曰岐有夷之行子
孫其保之宣王曰善
成王封伯禽為魯公君而告之曰爾知
為人上之道乎凡處尊位者必以敬下
順德規諫必聞不諱之門彈節安靜以
藉之諫者勿振以威毋格其言博采其

辭乃擇可觀夫有文無武無以威下有武無文民畏不親文武俱行威德乃成既成威德民親以服清白上道巧佞下塞諫者得進忠信乃畜伯禽再拜受命而辭

陳靈公行僻而言失泄治曰陳其亡矣吾驟諫君君不吾聽而愈失威儀夫上之化下猶風靡草東風則草靡而西風則草靡而東在風所由而草為之靡

說苑卷一

二

是故人君之動不可不慎也夫樹曲木者惡得直影人君不直其行不敬其言者未有能保帝王之號垂顯令之名者也易曰夫君子居其室出其言善則千里之外應之況其通者乎居其室出其言不善則千里之外違之況其通者乎言出於身加於民行發乎通見乎遠言行君子之樞機樞機之發榮辱之主君子之所以動天地可不慎乎天地動而

萬物變化詩曰慎尔出語敬尔威儀無不柔嘉此之謂也今君不是之慎而縱恣焉不以必裁靈公聞之以泄治為妖言而殺之後果弑於微舒

魯哀公問於孔子曰吾聞君子不博有之乎孔子對曰有之哀公曰何為其不博也孔子對曰為其有二乘哀公曰有二乘則何為不博也孔子對曰為行惡道也哀公懼焉有問曰若是乎君子之

說苑卷一

三

惡惡道之甚也孔子對曰惡惡道不能甚則其好善道亦不能甚好善道不能甚則百姓之親之也亦不能甚詩云未見君子憂心惓惓亦既見止亦既覯止我心則悅詩之好善道之甚也如此哀公曰善哉吾聞君子成人之美不成人之惡微孔子吾焉聞斯言也哉

河間獻王曰堯存心於天下加志於窮民痛萬姓之罹罪憂衆生之不遂也有

一民飢則曰此我飢之也有一人寒則曰此我寒之也一民有罪則曰此我陷之也仁昭而義立德博而化廣故不賞而民勸不罰而民治先恕而後教是堯道也當舜之時有苗氏不服其所以不服者大山在其南廕山在其北左洞庭之波右彭蠡之川用此險也所以不服禹欲伐之舜不許曰論教猶未竭也究論教焉而有苗氏請服天下聞之皆非

說苑卷一

四

禹之義而歸舜之德

周公踐天子之位布德施惠遠而逾明十二牧方三人出舉遠方之民有飢寒而不得衣食者有獄訟而失職者有賢才而不舉者以入告乎天子天子於其君之朝也揖而進之曰意朕之政教有不得者與何其所臨之民有飢寒不得衣食者有獄訟而失職者有賢才而不舉者也其君歸也乃召其國大夫告用

天子之言百姓聞之皆喜曰此誠天子也何居之深遠而見我之明也豈可欺哉故牧者所以辟四門明四目達四聰也是以近者親之遠者安之詩曰柔遠能邇以定我王此之謂矣

河間獻王曰禹稱民無食則我不能使也功成而不利於人則我不能勸也故疏河以導之鑿江通於九江派醴五湖而定東海民亦勞矣然而不怨苦者利歸

說苑卷一

五

於民也

禹出見罪人下車問而泣之左右曰夫罪人不順道故使然焉君王何為痛之至於此也禹曰堯舜之人皆以堯舜之心為心今寡人為君也百姓各自以其心為心是以痛之也書曰百姓有罪在予一人

虞人與芮人質其成於文王入文王之境則見其人民之讓為士大夫入其國

則見其士大夫謀為公卿二國者相謂曰其人民謀為士大夫其士大夫謀為公卿然則此其君亦謀以天下而不居矣二國者未見文王之身而讓其所爭以為閑田而反孔子曰大哉文王之道乎其不可加矣不動而變無為而成敬慎恭己而虞尚自平故書曰惟文王之敬忌此之謂也

成王與唐叔虞燕居剪梧桐葉以為珪

《說苑卷一

六

而授唐叔虞曰余以此封汝唐叔虞喜以告周公周公以請曰天子封虞耶成王曰余一與虞戲也周公對曰臣聞之天子無戲言言則史書之工誦之士稱之於是遂封唐叔虞於晉周公旦可謂善說矣一稱而成王益重言明愛弟之義有輔王室之固當克之時舜為司徒契為司馬禹為司空后稷為田疇堯為樂正禹為工師伯夷為秩宗皋陶為大

理蓋掌政禽堯體力便巧不能為一焉堯為君而九子為臣其何故也堯知九職之事使九子者各受其事皆勝其任以成九功堯遂成厥功以王天下是故知人者主道也知事者臣道也王道知人臣道知事毋亂舊法而天下治矣湯問伊尹曰三公九卿二十七大夫八十一元士知之有道乎伊尹對曰昔者堯見人而知舜任人然後知禹以成功

《說苑卷一

七

舉之夫三君之舉賢皆異道而成功然尚有失者況無法度而任己直意用人必大失矣故君使臣自貢其能則萬一之不失矣王者何以選賢夫王者得賢材以自輔然後治也雖有堯舜之明而股肱不備則主愚不流化澤不行故明君在上慎於擇士務於求賢設四佐以自輔有英俊以治官尊其爵重其祿賢者進以顯榮罷者退而勞力是以主無

遺憂下無邪惡百官能治臣下樂職思
流群生潤澤草木昔者虞舜左禹右皋
陶不下堂而天下治此使能之効也

武王問太公曰舉賢而以危亡者何也
太公曰舉賢而不用是有舉賢之名而
不得真賢之實也武王曰其失安在太
公望曰其失在君好用小善而已不得
真賢也武王曰好用小善者何如太公
曰君好聽譽而不惡讒也以非賢為賢

說苑卷一

八

以非善為善以非忠為忠以非信為信
其君以譽為功以毀為罪有功者不賞
有罪者不罰多黨者進少黨者退是以
群臣比周而蔽賢百吏群黨而多姦忠
臣以誅死於無罪邪臣以譽賞於無功
其國見於危亡武王曰善吾今日聞誅
譽之情矣

武王問太公曰得賢敬士或不能以為
治者何也太公對曰不能獨斷以人言

斷者殃也武王曰何為以人言斷太公
對曰不能定所去以人言去不能定所
取以人言取不能定所為以人言為不
能定所罰以人言罰不能定所賞以人
言賞賢者不必用不肖者不必退而士
不必敬武王曰善其為國何如太公對
曰其為人惡聞其情而喜聞人之情惡
聞其惡而喜聞人之惡是以不必治也
武王曰善

說苑卷一

九

齊桓公問於寧戚曰管子今年老矣為
棄寡人而就世也吾恐法令不行人多
失職百姓疾怨國多盜賊吾何如而使
姦邪不起民足衣食乎寧戚對曰要在
得賢而任之桓公曰得賢奈何寧戚對
曰開其道路察而用之尊其位重其祿
顯其名則天下之士騷然舉足而至矣
桓公曰既以舉賢士而用之矣微夫子
幸而臨之則未有布衣屈奇之士踵門

而求見寡人者寡戚對曰是君察之不
明舉之不顯而用之疑官之卑祿之薄
也且夫國之所以不得士者有五阻焉
主不好士福設在旁一阻也言便事者
未嘗見用二阻也壅塞掩蔽必因近習
然後見察三阻也訛獄詰窮其辭以法
過之四阻也執事適欲擅國權命五阻
也去此五阻則豪俊並興賢智來處五
阻不去則上蔽吏民之情下塞賢士之

說苑卷一

十

路是故明王聖主之治若夫江海無不
受故長為百川之主明王聖君無不容
故安樂而長久因此觀之則安主利人
者非獨一士也桓公曰善吾將著夫五
阻以為戒本也

齊景公問於晏子曰寡人欲從夫子而
善齊國之政對曰嬰聞之國具官而后
政可善景公作色曰齊國雖小則何為
不具官乎對曰此非臣之所復也昔先

君桓公身體墮懈辭令不給則黑朋侍
左右多過刑罰不中則強章侍居處肆
縱左右憚畏則東郭牙侍田野不修人
民不安則寡戚侍軍吏怠戎士偷則王
子成父侍德義不中信行衰微則甯子
侍先君能以人之長續其短以人之厚
補其薄是以辭令窮遠而不逆兵加於
有罪而不煩是故諸侯朝其德而天子
致其胙今君之失多矣未有一士以聞

說苑卷一

士

者也故曰未見景公曰善吾聞高繇與
夫人游寡人請見之晏子曰臣聞為地
戰者不能成王為祿仕者不能成政若
高繇與嬰為兄弟久矣未嘗干嬰之過
補嬰之闕特祿仕之臣也何足以補君
然昭王問於郭隗曰寡人地狹人寡齊
人削取八城匈奴驅馳樓煩之下以孤
之不肖得承宗廟恐危社稷存之有道
乎郭隗曰有然恐王之不能用也昭王

避席願請聞之郭隗曰帝者之臣其名
臣也其實師也王者之臣其名臣也其
實友也霸者之臣其名臣也其實賓也
危國之臣其名臣也其實虜也今王將
東面目指氣使以求臣則所役之材至
矣南面聽朝不失揖讓之禮以求臣則
人臣之材至矣西面等禮相亢下之以
色不乘勢以求臣則朋友之材至矣北
面拘指遑巡而逞以求臣則師傅之材

《說苑卷一

十一

至矣如此則上可以王下可以霸唯王
擇焉燕王曰寡人願學而無師郭隗曰
王誠欲興道隗請為天下之士開路於
是燕王常置郭隗上坐南面居三年蘇
子聞之從周歸燕鄒衍聞之從齊歸燕
樂毅聞之從趙歸燕屈景聞之從楚歸
燕四子卑至果以弱燕并強齊夫燕齊
非均權敵戰之國也所以然者四子之
力也詩曰濟濟多士文王以寧此之謂也

楚莊王既服鄭伯敗晉師將軍子重三
言而不當莊王歸過申侯之邑申侯進
飯日中而王不食申侯請罪莊王喟然
歎曰吾聞之其君賢者也而又有師者
王其君中君也而又有師者霸其君下
君也而群臣又莫若君者亡今我下君
也而群臣又莫若不殺不殺恐亡且世
不絕聖國不絕賢天下有賢而我獨不
得若吾生者何以食為故戰服大國義

《說苑卷一

十三

從諸侯戚然憂恐聖知不在乎身自惜
不肖思得賢佐日中忘飯可謂明君矣
朋主者有三懼一曰處尊位而恐不聞
其過二曰得意而恐驕三曰聞天下之
至言而恐不能行何以識其然也越王
句踐與吳人戰大敗之兼有九夷當是
時也南面而立近臣三遠臣五令群臣
曰聞吾過而不告者其罪刑此處尊位
而恐不聞其過者也昔者晉文公與楚

人戰大勝之燒其軍火三日不滅文公
退而有憂色侍者曰君大勝楚今有憂
色何也文公曰吾聞能以戰勝而安者
其唯聖人乎若夫詐勝之徒未嘗不危
也吾是以憂此得意而恐驕也昔齊桓
公得甯仲臨朋辨其言說其義正月之
朝令具太牢進之先祖桓公西面而立
甯仲臨朋東面而立桓公贊曰自吾得
聽二子之言吾目加明耳加聰不敢獨
擅顧薦之先祖此聞天下之至言而恐
不能行者也

說苑卷一

十四

齊景公出獵上山見虎下澤見蛇歸召
晏子而問之曰今日寡人出獵上山則
見虎下澤則見蛇殆所謂之不祥也要
子曰國有三不祥是不與焉夫有賢而
不知一不祥知而不用二不祥用而不
任三不祥也所謂不祥乃若此者也今
上山見虎虎之室也下澤見蛇蛇之穴

也如虎之室如蛇之穴而見之曷為不
祥也

楚莊王好獵大夫諫曰晉楚敵國也楚
不謀晉晉必謀楚今王無乃耽於樂乎
王曰吾獵將以求士也其榛藂刺虎豹
者吾是以知其勇也其攫犀搏兕者吾
是以知其勁有力也罷田而分所得吾
是以知其仁也因是道也而得三士焉
楚國以安故曰苟有志則無非事者此

說苑卷一

十五

之謂也

湯之時大旱七年雒圻川竭煎沙爛石
於是使人持三足鼎祝山川教之祝曰
政不節耶使人疾耶苞匱行耶饒夫昌
耶宮室營耶女謁盛耶何不雨之極也
羞言未已而天大雨故天之應人如影
之隨形響之効聲者也詩云上下莫應
靡神不宗言疾旱也

殷太戊時有桑穀生於庭畷而生比旦

而拱史請卜之湯廟太戊從之卜者曰
吾聞之祥者福之先者也見祥而為不
善則福不生殃者禍之先者也見殃而
能為善則禍不至於是乃早朝而晏退
問疾弔喪三日而桑穀自亡

高宗者武丁也高而宗之故號高宗成
湯之後先王道缺刑法違犯桑穀俱生
乎朝七日而大拱武丁召其相而問焉
其相曰吾雖知之吾弗得言也聞諸祖

說苑卷一

十六

已桑穀者野草也而生於朝意者國亡
乎武丁恐駭飭身修行思先王之政興
滅國繼絕世舉逸民明養老三年之後
寶夷重譯而朝者七國此之謂存亡繼
絕之主是以高而尊之也

宋大水魯人弔之曰天降淫雨谿谷滿
盈延及君地以憂執政使臣敬弔宋人
應之曰寡人不佞齋戒不謹邑封不修
使人不時天加以殃又遣君憂拜命之

辱君子聞之曰宋國其庶幾乎問曰何
謂也曰昔者夏桀殷紂不任其過其亡
也忽焉成湯文武知任其過其興也勃
焉夫過而改之是猶不過也故曰其庶
幾乎宋人聞之夙興夜寐早朝晏退弔
死問疾戮力字內三年歲豐政平簡使
宋人不聞君子之語則年穀未豐而國
未寧詩曰佛時仔肩示我顯德行此之
謂也

說苑卷一

十七

楚昭王有疾卜之曰河為祟大夫請用
三牲焉王曰止古者先王割地制土祭
不過望江漢睢漳楚之望也禍福之至
不是過也不穀雖不德河非所獲罪也
遂不祭焉仲尼聞之曰昭王可謂知天
道矣其不失國宜哉

楚昭王之時有雲如飛鳥夾日而飛三
日昭王患之使人乘駟東而問諸太史
州黎州黎曰將虐於王身以令尹司馬